

桂

馨

堂

集

順安詩草序

孝廉張叔未先生博學嗜古草隸獨出冠時其為詩樸勁典雅出入韓蘇而性情天趣有蕭然絕俗之致先生嘗數試禮闈不得志遂歸隱禾中之新篁里結屋煙水間以圖書金石自娛當世士大夫高其行覃溪學士儀徵相國咸為扁其廬焉歲癸巳予出守嘉禾重開鴛湖書院所取張子慶榮者即先生之哲嗣也因慕先生之為人恒介筆以通款曲然先生竟未嘗一至郡庭予亦未敢為造廬之謁其風格志尚概可想見及予擢閩省漕使郵

郡篆後始得見先生握手言歡密若親故嗣是往來嘉禾輒作文酒之敘及子官口外道路闊絕塞上木落悲風怒號勞人憂思伊鬱萬緒而郵筒筆札猶倡酬於數千里外則子與先生之交可謂遠而彌摯久而益貞矣先生年屆八旬神采矍鑠而矚長徑寸儀徵相國有矚壽老人之目且作傳以貽先生先生繪圖而泐諸石方謂矚壽未艾他時或再泛鴛湖當與先生流連杖履重續墜歡何意地北天南竟為生死之別耶嗚呼悲哉雖然先生往矣而文章翰墨照耀人間固有不與之俱往者

則先生可謂不死矣且先生於嘉慶戊午舉孝廉  
第一而稚春復於道光丙午得解首家世元燈比  
之林長樂父子異日稚春捷南宮登玉堂學先生  
之學以竟先生未竟之志則先生益可謂不死矣  
今稚春以先生所著詩問言於予夫先生之詩奚  
待予言而宿草茫茫感念今昔則有不能已於言  
者爰述交誼始末且以勉稚春焉

道光三十年庚戌

長白瑞元序

順安詩草自序

詩非能爲之難能不能不爲之爲難也余之詩淺矣細矣顧念夙承

父師之教學之有年若盡情棄去未免忍不能捨今年八十汰去彊半聊復編此此豈少牽率酬應之作而敢云能爲不能不爲之詩哉志之所期學則不逮耳異時續有編錄當隨時刪改以存家塾道光二十七年丁未七月廿三日眉壽老人張廷濟

順安詩草總目

卷一

乾隆甲辰至嘉慶甲子

古今體詩一百又一首

附七首

卷二

嘉慶乙丑至庚辰

古今體詩九十五首

附一首

卷三

道光辛巳至癸巳

古今體詩六十六首

卷四

道光甲午至丁酉

古今體詩九十四首

附九首

卷五

道光戊戌至己亥

古今體詩七十八首附十首

卷六

道光庚子至辛丑

古今體詩一百又四首附二十一首

卷七

道光壬寅至甲辰

古今體詩七十四首附四首

卷八

道光乙巳至丁未

古今體詩一百又九首附十六首

順安詩草卷一

嘉興張廷濟叔未著

男慶榮孫

福熙  
晉燮較

蘇文忠公馬券石刻

乾隆四十九年甲辰九月府試作府尊黃  
見滄先生符練評云縷析條分自是俊才

玉堂視草眉山仙杭州出守元祐年天育驃騎再  
承賜銀鞍金鍍何聯翩東南肩輿得一足一馬卻  
贈李方叔又恐方叔或賣之公據還貽書一幅公  
少擬作歐陽文帶馬儷句蚤出羣出知潁州作謝  
表自用恰如官師云學士院中初召入玉鼻驛共  
衣對襲今之出守帶假龍龍直班崇他莫及方叔



得馬淚欲傾甚窮難忍誠人情吾公愛友入骨髓  
買羊酤酒誰重輕此券此碑八百載眞友眞情長  
不壞不負堂又流虹亭幾伴偉人閱時代深簷蓋  
覆珍珠寶章合與膠庠留願書萬本讀萬遍無  
論秀州還眉州

文忠眉州廟中亦有鐫石

同作

曹言純種水

千金無人買駿骨一領青衫老白髮窮途役役  
誰更憐獨步長街踏明月杭州太守麟臺人天  
馬割贈玉鼻驂淋漓揮汗作公據未許將歸易  
錢去人生不得飽飯臥田廬烏犍十具代耕鋤

安能殘杯冷炙逐富貴出門日借東家驢涪翁  
論事工轉語廿萬相持并券與嗚呼甚窮難忍  
哉豆羹不給還山來當年坡公制舉日日五色  
迷慙不出平分後乘何足云不使春風馬蹏疾  
祇今交道多變更子車我笠空舊盟殘碑照曜  
蘇玉局看足紛紛回薄俗

余與叔未解元同賦馬券忽忽五十二年來示  
此本索余舊稿附後因出故篋錄之頭白眼花  
回省曩事如在夢寐同時四人在者惟叔未及  
余叔未篤學好古至老益力考論彝鼎碑帖皆  
有依據使人增長聞見其翰墨流布足令寶藏  
珍重余乃問業不進徒加馬齒時用自愧奚君  
印侯才氣過人年二十七早歿著書已八九種  
子一先殤遺稿遂不可問李君堯峯亦未知其

後人如何而叔未有子承其家學皆千里駒顧  
視余子殆又驚蹇之望駉驥其能追躡光景耶  
並感書此道光十  
五年乙未四月

海鹽張文魚明經燕昌重摹石鼓次學使朱

侍郎韻

韓蘇歌本無人持范司馬本今瑰奇天一高閣歸  
然在誰與摹取加鐫治吾宗劇謀證古拓錯聚衆  
本刪疑疑片帆渡江啟閭鑰莪亭

永祺

老宿偕周

咨裴久凌亂復整比史籀舊觀卑相斯文辭細讀  
不籍口雅頌重奏真沁脾虹紳瓊樹妙惟肖觀者  
愕眙生嚅噫升庵僞說滋謬妄甲秀節勒徒傾歛

何如此摹謹嚴甚義娥繪出光輪垂藝林祕寶世  
其寶知君此舉誠非私

射雕

嘉慶二年丁巳九月科試作今 予告大  
學上晉秩太傅阮夫子評古健刻入浙江詩  
課

平原草枯萬木風健兒手挽彫花弓盤鷹飢飛碧  
天外一箭直入深雲中杳杳秋空翻墜翼蕭蕭絕  
塞轉孤蓬世無李廣孰相角鞭馬試追斜日紅

賦得刻燭驗更籌

得長字五言六韻

官燭教頻刻深宵夜未央憑催詩句捷還驗漏聲

長好把金刀劃眞攜玉尺量銅龍爭點滴銀蠟競  
毫芒靜和蓮花箭遙飛竹葉觴釵頭黃裏見喜氣  
繞中堂

阮儀徵師重募石鼓以初本見畀用前韻言

謝

儀徵宗工巨筆持數士則古鍼褒奇謂姬周時獵  
碣十車工馬同萬方治方今深簷與蓋覆一洗萬  
古羣言疑四方髦士難盡覩仰瞻 天上徒嗟

咨爰開范本生面出四百餘字美粹斯杭州郡庠  
妥位置紹興經石聯肝脾刻成初墨先資及下上

感悚增歎噫研辨臨寫日不足但覺筆正無偏欹  
我讀先生等身著此特一節貞珉垂寰中摹古更  
無上得寶深喜如願私

重建曝書亭落成

刻入竹  
垞小志

當代論儒術長蘆有釣師丁年騰駿譽甲等擢鴻  
詞結屋一亭古藏書萬卷宜阿誰圖八景蘭砌與  
菱池

長水人何在空餘舊蹟存草荒揚子宅雲鎖鄭公  
門故址鄰翁圃殘畦野老園遺編半零落風雨孰

重論

星使森文雅，挈經接後先。  
發題詩課盛，摹像畫圖偏。  
爲復金風宅，因分月俸錢。  
遙遙百年後，舉廢豈無緣。

結構規前制，孤亭勝可探。  
桑陰遮老屋，荷影俯清潭。  
樂石鐫新柱，奇書認舊龕。  
他年志梅里，故事話坵南。

邢佺山房師澍新葺，謝文靖公祠墓。

刻入長興縣志

百里古長城，巋然謝傅塋。  
更無遊妓館，只享野人羹。  
村民尚祭享不絕遺廟松楸路，孤魂杜宇聲。  
東山絲竹

趣誰動昔賢情。

夫子崇明德三鷓問古邨

墓在長興三鷓村

快攜寶從去

細向史書論

師據石柱記吳興雜錄胡宿文恭集諸書謂公改葬長興實爲定論

列

屋彰祠宇豐碑表墓門勝他遊白下空詠謝公墩

削簡陳開府春秋致醴牢

師上書謝蘇潭中丞請奏列祀典

靈旗

翻颯爽遺像肅清高

沈帶湖銓部將鉤墓謝氏置統宗志中公小像絨致

置

守栽芝俸

師命守冢者勿替世祀

鐫文付粉毫

師著長興謝文靖公墓考

豈徒寒食節風雨薦溪毛

東閣初登日經今又二年因乘詩酒興爲話水山

綠

戊午冬廷濟請長興官署師出示謝文靖墓考

火樹千花燦官梅一路

妍還期同畫舫細酌簪溪泉



宿鑑止亭呈佺山師

潭影平揩一鏡如新亭結構勢凌虛吏情雅寄三

閒屋

師寄名鑑止託興甚遠

宦橐惟饒甘架書

官閣藏書二萬卷

志

補全秦編漢魏

師補全秦藝文志已得周秦兩漢共五冊

經傳爾雅注

蟲魚

師以小學見助

彭宣禮分眞慚感翦燭深堂午夜餘

庚申上元後一日鑑止亭後軒對雪題邢師

松林讀書圖

判牘公餘只一編書聲松韻兩蕭然文章虎觀追

前輩風雨龍山話往年

師壯時讀書階州龍山寺

官閣不妨天

象問

師近與杭州厲翁爲天文之學

草堂還把水經箋

師家極水之陽著桓

水考訂正舊說築桓上草堂嘉  
定錢竹汀詹事以八分署額  
著書歲月蒼龍老

學是儒林吏是仙

昨夜漫山徧撒鹽衙齋清景一齊添誰如出宰官  
仍冷只有看書性未廉邊笥便來經是癖梁園興  
劇韻拈尖從教雪夜叨陪侍聽取松風到畫檐

立秋日邢佺山師手書雅招觀荷以病未克

舉棹賦呈七律四章

柴扉剝啄破莓苔報道新書雁帶來入耳秋聲初  
在樹關心元夕舊銜杯枕城山爲衙齋好問字門  
容弟子開知已感恩何限意臨風短詠敢輕裁

鑑止亭前漲淥波紅苞碧葉長高荷水廊風榭炎  
應道竹扇茶鑪興自多著述等身追老輩經綸著  
手鄙催科更添賓閣何公雅金石遺文快共羅

何夢

華元錫修浙  
西金石志

竹田深處徧叢篁多病還書頭眩方南閣文欣繙

部帙東山象待勒祠堂支來瓠架垂疏幄聽徹秧

歌隔短牆那忘名園成小簇

鮑西岡宰長興時有  
小簇園圖十二景

萍牀有夢亦清涼

萍牀園  
中舟名

計曾兩度到長城雨雪連朝殢客行

戊午冬今  
年正月 著

屐尚賒松竹約乘船爭負水山情菊花開處宜扶

杖秫酒濃時好奉觥會看壘才持玉尺鄭公門下  
盡知名

篁里紀事詩

江村十里徧篁管是處天開水竹鄉多少趁墟筠

徑裏新行

胡郎切

里合號新篁

漢魏塘南激乍西清流屈曲有新谿

太平建塔碑記郡城之東

距當湖路止一舍有鎮曰新谿

圖經他日憑誰補好埽僧碑覓舊

題

七字題橋水紀華

太平橋柱對云秦谿秀色來坤位華水光華集巽隅

鳳枝

遺集更標珎品題敢副人文譽珍重東陽姓沈人

鳳枝堂詩珣谿洪棠著沈雲泉珽題云若

新行之稱珣谿亦足徵人文之鍾美也

竹桁支分水一條尾拖丁字路迢迢

新谿流亘南北從竹桁匯

分流東至乍浦形如丁字因更名丁字谿谿流直過青蓮寺丁卯莊前

第幾橋

青蓮寺在里東許氏族居於此

田園風俗舊深淳廿二鄉中信履仁

至元嘉禾志嘉興縣二十

二鄉履仁鄉在縣東南五十里管里五一張村二張宅三秋塔四東周五楊匯記取吾家

邨宅在東周楊匯是比鄰

文昌廟前甲漈雙北橋南橋水淙淙

里東文昌廟濱有南甲漈

橋北甲漈爭如甲第烏衣擅古水留名語未噓

舍後太平

橋漈以玉進士得名甲漈

高人遺蹟渺雲煙，賸有高名寄隱泉。

李元龍御家隱泉之側李

潛夫確巢端明鳴盛褚視楨廷瑄暨同里王幼扶士麟家稼石翁淵高集飲於此因名曰高士泉

聞說平翁茶葉好

里中平鶴松翁入山製茶最精遠近有平茶之號

汲將

新水竹鑪煎

洪家舍上舊清門，壘石羅花說憩園。

洪家舍在里西舊有憩園

文酒百年零落盡，夕陽荒草賸頽垣。

遠峰如黛筆難描，乍浦孤城廿里遙。最是看山情

未厭尋詩多上太平橋。

太平橋見乍浦山

百峰深處記曾遊，僂指師門十二秋。

乾隆己酉廷濟讀書於澈

浦吳蘭陔先生入銘樓借朱尹邨廣文莘郭垂紳上舍丹墀遊永安湖

一角澈山長

在眼重憑唐氏讀書樓

唐紹乾翁書樓見澈浦山高勉齋上舍桂森授經於

樓余以一角山樓額之

### 立春日由嘉興之長興

編郎唱榜郭門西三度衝寒到箬谿萬木風高帆

景疾五湖天關凍雲低南園客病添新緒近聞同門小軒

太史有病東閣恩深戀舊蹊又是恩恩逢卒歲河橋落

日亂鴉啼

夢鼎堂開鈴閣深五峰翠捲古城陰杜韓詩筆垂

天壤師近寄入輒精舍記并賜和詩四首歸鮑風流自古今震川西圖俱宰

長問共賓僚商畫手師曾共葉曉湖擬倩人作桓上艸堂圖愛臨潭

水照冰心

師重構  
鑑止亭

幾番鴛綺封良訊揚子亭前此

重尋

師數寄手  
書見招

書劍飄零上木蘭春風行再入長安鱣堂禮重師  
門厚驢券裝輕客子單縱喜相逢肝膽露那禁臨  
別鼻心酸且然官閣如椽燭坐聽論文到夜闌

憶昨裁詩正立秋今看殘臘盡更籌最難風日逢  
春好容易年華似水流遠道梅花同雪冷近邨山  
色比雲浮故人方外兼相憶興劇還乘罨畫舟擬便

訪烏瞻  
山寺僧

詣長興官署適邢房師以公事檣棹郡城因



卽歸舟擬到湖州謁見賦呈五律二章

絳帳移茗水清風靜訟庭傾心驥子雋

世兄到眼

雉山青茶話聯虛閣芸香透短屏遙知停鷁首公

罷正橫經

遽作歸颿計綏州古道中者番聯畫舫也得坐春  
風載酒奇選問成材質待籌鄭公勤指授告別莫  
愬恩

辛酉九月九日程春廬駕部同文招同顧如

圃文曜曹扶谷三選楊湘帆汪閔繡巖光

渙吳愛堂■登陶然亭分韻得滿字

落葉走前軒，霜風冷飈館。佳節在異鄉，客懷情易  
蕪。駕部不羈才，恰愛散人散。招邀登江亭，喜盡同  
心伴。南城車馬稀，地僻道乃坦。入門古槐蟠，實垂  
頽。虬卵有亭廠，後楹憑眺便。墮嬾西山一抹青，淨  
若水新盥。應是逼冬瘦，刻露出崖窾。吁嗟十二衢，  
牢落心常瘖。泥濘旣愁涸，灰揚復苦嘆。似茲清曠  
地，所見真亦罕。矧有舊儔侶，相對愜遊款。肴饌次  
第陳，更番勸不斷。相忘秋意涼，喜借酒氣暖。更持  
韻闔拈，新詩濯肺腕。長篇宏以深，抒寫氣何悍。短  
什清且麗，天然去組纂。視彼塵埃勞，問誰左右袒。

此遊洵賞心那負重陽滿

盧藏用九日幸臨渭亭登高應制詩上日重陽

滿中天  
萬乘來

讀楊湘帆登高詩劇憐漉酒持螯日正是咳

蘭苦憶歸之句情動於中率次原韻二章

木落燕臺樹影稀裝絲催換舊征衣最憐多病同  
消渴底誦遺經苦忍飢萬事了如春夢過百年真  
覺遠遊非與君同有循咳思筭著朝衫未抵歸

幾唱陽關侶漸稀客途那禁淚霑衣

人秋以來連送黃芥舟朱

松齋陳樂亭錢恬齋之行今曹扶谷沈鑿齋又將南行

不堪知己輕爲別到底驅人半是飢對月易添懷舊思看雲難話人山

非濮川煙雨，丁谿水待整琴書作伴歸。湘帆家濮川我家丁

字谿州去  
只數十里

蟬蛻

和查初白韻同  
趙謙士光祿賦

遺蛻誰如嘒嘒蠅草根，籬角舊因緣雲裁百衲心。  
原佛雪卸三銖骨，亦仙色相都空前夢境高寒待。  
語夕陽天和鳴記取傳衣後，歲歲薰風度管絃。

衣留一品記鳴蟬，轉化誰論去日緣。猶勝鴻飛徒  
印雪，居然蝶夢小遊仙。從來換骨寧無藥，此去騰  
身別有天。高樹枝頭今許借清吟，留取和鸞絃。

除夕賦視王梅圃熙趙潤圃秉淳

綠酒黃雞絳蠟前客窗圍坐亦欣然誰能殘臘無  
鄉思爲惜今宵尙舊年子舍情懸千里夢 帝

城春動萬家煙遙知兄弟椒盤頌定向高堂話日  
邊

者番客裏逢除夕冉冉尤驚赴壑蛇換歲無情催  
漏箭報人有喜卜鐙花且安筆硯商裁句莫對壺  
觴話別家七十明朝纔一半讀書那便負年華延濟

今年三十有四前此未曾  
客中度歲故首句云然

壬戌元夕

天上初圓月人間重上元笙歌傳萬道鐙火擁千

門花事

皇州蚤春光

帝里繁太平真有

象樂意滿乾坤

好事逢賢主傳杯到夜闌最憐鄉語熟真覺酒懷  
寬華髮添雙鬢萍蹤感萬端去年當此夕風雪滿  
江干

十六日爲德容仲兄沈合喬之辰喜賦二律

遙喜 雙親健今宵送喜忙喬成兄嫂禮慶衍子  
孫祥燭影輝雲幌歌聲溢畫堂瞻南欣有祝願與  
日俱長

仲兄年卅九猶未夢熊羆喜續鳳麟髓應生麒麟

兒階前欣種玉堂上慰舍館蚌蛤懷明月涪翁語  
可師黃山谷詩能與貧人共年穀  
必有明月生蚌蛤明月珠也

京邸對月寄周東杠汝珍沈秋塘品蓮

十三回見月當頭送暖多情只做裝忽憶去年今  
日事滿船風雪過揚州

卽事

長安人海此身藏客裏偏教韻事長獸炭徐添因  
品水蝦簾重閉爲留香廿年琴劍成陳迹千里音  
書滯異鄉自季冬朔日得家信後今  
尙未接日上盼望甚殷多少故人知

就道亂山落日滿河梁謂北來公  
車諸友人

人日元宵次第過客窗真奈別情何無端舊事鏡  
前省不覺新詩枕上多竹葉梅華空想像故書老  
硯重摩抄錢江湖激水吳源堪溯何日文瀾起大  
波

書翁宜泉主事樹培古錢偶存拓本後

儲蓄鉤稽盡二難不妨古癖到鍾官分明一部編  
年史莫作錢神舊論看

金盡長安又一年客囊羞澀總堪憐從今飽看清  
童譜也筭腰纏十萬錢

送郡守長白伊耐園師湯安督儲黔省



齊向春波鷁首攀歌聲唱徹五湖間喜傳 温  
詔來三殿快頌新猷到百蠻轉粟春迎銅鼓嶺觀  
風吟徧石門山他年開府東西浙佇擁朱幡絳節  
還

記趨絳帳七年更杜母文翁化育并散木材慚評  
國士豐碑名合勒門生畫圖煙雨千家樹詩卷牂  
牁萬里程留得嘉禾嘉話在如雲弟子送雙旌

癸亥正月宿長興縣署鑑止亭

華池新水凍初殘缺月疏更夜轉闌翠竹有筠君

子比

亭前竹  
甚茂

青山無恙故人看

縣前可  
望遠山

客因夢短

難成寐天爲春長特耐寒

今年閏二月

不是安昌師誼

重閒愁爭不上眉端

### 四至長興美邢房師

勝絕長城縣先生臥理餘酒濃  
郝社近花發訟庭

虛侍史工裁句

汪碧岑皖江人司書籍之役解吟詠

山僧解致書

謂鳥

贛山寺僧秦敘

此邦古循吏歸鮑復何如

歸震川鮑西岡俱曾宰長興

### 邢房師桓上草堂圖

卷首五字係錢官詹八分書

白龍江遠繞秦川目驗應追馬鄭箋

師家桓上作桓水考指爲

白龍江訂正舊說直可稱禹貢注所未備

志地直關邊塞計作圖還寄

水山緣座開南國諸生席門泊西傾萬里船

天子正來宣室召釣游莫便話歸田

師近蒙大吏奏最將奉咨

入都

書楊忠愍公獄中與鄭端簡公書後

大虹橋畔古祠堂法物森嚴鐵亦香

廷濟於今年三月十四日

謁鄭端簡公祠公裔孫朴山茂才出示公所遺甲冑并是冊屬題

自酌清泉曾一

拜者番眞到鄭公鄉

深宵草疏氣橫秋寧勸公休公便休一事到今猶有恨尙方不斷老巖頭

請室書成滿血痕南都欲共故人論君恩未報憑

誰補素服青巾護帝闈

鄭平泉比部跋公詩云戊子三月三殿災人皆見公

青巾素服雙眸炯炯悲午門西角檻若指揮撲滅狀

寶墨傳來二百年尙書題識故依然固應海國山

城裏夜夜虹光燭九天

君家物合歸君處風義延陵足典型如此重三脩

禊事底須醉本寫蘭亭

是冊爲海寧吳兔牀山人收得山人以鄭氏世賣於

乾隆甲寅上已集諸名士脩禊涉園奉還鄭朴山茂才

阮儀徵師贈新篁里詩賦謝

至元志里張名宅

至元嘉禾志嘉興縣二十二鄉履仁鄉在縣東南五十里管里

五一張村二張宅三秋塔四東周五楊匯

叔重詮篁竹作田

說文篁子竹田也

舍承歡無限好優游

舜日與

堯天

愛從竹裏起書樓詩有韓毛易喜讎耽讀只欣塵  
不到渭川敢詡等封侯

原作

阮元

詩人舊事傳梅里名士新居在竹田解得楚詞  
篁字意清陰滿地綠如天

放梢新竹密圍樓金石奇文自校讎學得齊桓  
陳柏寢也應權拜小諸侯

四月廿六日讀書八軌精舍清茶澹飯愛日  
舒長回憶去年今日同陳仲魚鱸出沙河

門至張家灣天雨日暮無從覓舟就宿旅  
店一段景況賦此

去年此日出都門細雨能銷客子魂羸馬易愁村  
路滑土牀難借布衾溫思家暗卜歸帆捷遣夜頻  
將故舊論珍重光陰逢子舍萬叢濃綠護田園

送陳默齋廣寧赴閩中參將任

海昌都尉舊超羣閩嶠參戎袂欲分漫道羸官輸  
及第從來名將總能文瘴消萬樹桄榔雨香滿千  
山荔子雲此去乘風眞破浪戈船指日靖餘氛

送中丞阮儀徵師入觀

詔許賢侯覲禮修湖光山色報新秋 聖人定

爲蒼生問君子真先天下憂經國文章追兩漢襄  
時利病悉諸州袞衣莫久留 朝右聽唱公歸

到畫舟

一自單車到海天瀛壖千里靜風煙山城井竈春  
成市賈客帆檣夜有船豈好鯨鯢施斧鑿肯教龜  
虎弛戈鋌餘氛猶是資籌筆借寇應須幾十年  
書卷琴尊共一囊秋潮安穩載輕裝家居淮海開  
新第船過金焦說舊鄉暫指福星移兩浙計迎使  
節是重陽不知賓從聯吟夜刻燭詩成又幾章

筆札更番酒幾尊八年多少受師恩古甌錄去齋

爲額

業寫惠八  
輒精舍扁

寒玉題來竹有邨

蒙寫惠新篁  
里扁并詩

學

到鼎鐘奇許問經傳箋疏色逾溫也如江上山千  
疊那得從頭一一論

童佛庵舊友梁以平安錢問梨刀消息并繫

以詩次韻奉答

深情莫作一錢看好誦新詩到夜殘不是此君童  
子寺更誰日日報平安

爲童佛庵梁題所集梅華詩

鶴骨禪心鬢已華儘收冷淡當生涯他年若纂梅



華史合爲先生作世家

送顧七春塘言赴湖廣

白髮青衫顧虎頭，輕帆幾葉送扁舟。霜濃木落吳

江冷，酒熟杭香楚國秋。爭遣琴尊分片席，今春館

好將筆墨動諸侯。三年整待歸裝穩，谿北谿南話

舊遊

建文二年湖州府銅權

十月廿二日葛見  
巖激爲余購得

紀元兩字未全湮，遜國今看第二權。去年翁宜泉  
以建文元年

權見到底建文元不改，誰稱洪武卅三年。建文二  
年革除

時爲洪武

三十三年

塵劫滄桑一夢如難從程

程濟從

史

史仲彬

問遺

書頑銅眞解興亡恨留與人間話革除

曾歷方黃鐵練朝不隨劫火共鎔銷請看齧蝕苔

花紫字腳雖平恨未消

紀定家田籍入官均糧一詔例從寬應知當日持

權者不獨湖民淚不乾

明太祖籍富民田入官如湖州則入紀定家田準租

起稅建文二年春正月均江浙田賦

太平橋東泊鑄銅杓船有建文二年湖州

府銅權將付鎔冶叔未三兄亟屬余購

得之賦四詩見示并索拙句因成一律

葛澂

瞥驚遜國賸頑銅未入洪鑪一炬中  
七字半封苔蘚碧百年空話劫灰紅  
懸來猶帶滄桑恨稱去終教銖兩公  
總是革除除不得詔書何事太  
怱怱

吳蜀師甄賦呈阮中丞師

三吳古甄各異狀蜀師甄文尤瑰奇  
非輪非錢非人屋松葉薤葉相飄披  
中蜀師字篆連屬或一二三分成虧

全甄有三蜀師字者甚少吟館所藏具四蜀師字則曾未之見所恨尙

少紀年字東京西京總傳疑永安太康近乃見吳  
歟晉歟猶異辭吾師中丞家淮海得全甄一城河  
淵勒識定爲大吳物志傳具在語豈欺離里之山  
石自立吳五鳳年漢延熙衛尉馮朝城廣陵富春  
侯峻寶主持衆知不可功果輟定棄瓴甌如京坻  
考證今昔時與地非孫吳物誰所遺廷濟昔亦古  
甕獲如椽之筆光棖楹乾隆乙卯夏四月余於海  
鹽瀕海漁舍得漢晉古甕  
八嘉慶己未夏四月蒙師入分書入甄精舍扁於讀書處茲來吟館快觀此運  
視再四樂不疲摩挲重爲此甄幸神物顯晦洵有  
時吁嗟吳末國不祚日侈符瑞事荒嬉天發神讖

國山禪江寧陽羨兩卓碑降帆一片石頭出孫家  
城闕空黍離此軛何時沒復出旒人姓氏苔華滋  
維揚古刻卽此足歐陽況復題新詩他家藏軛不  
足數直軼寶鼎追景師

阮中丞師於誠本堂東偏移石樹澹寧精舍  
前方池中名曰雲臺峰詩用蘇黃壺中九  
華倡和韻

移得堂東最好峰碧螺浮水翠騰空泗淮一品來  
天上瀛海三山入鏡中案戶自添新氣象山雲不  
展小神通題名更續坡公唱那數仇池玉色瓏

錢恬齋太史昌齡自澈浦回舟見訪

柴門蕭瑟逼冬殘，舊雨重來感百端。過眼滄桑懷

澈水

乾隆己酉余讀書澈水吳氏入銘樓今蘭陔師又曾世兄高慎餘金於竹同硯俱下世

驚心風雨話長安

歲辛酉余與太史同客京師寓居頗近是年適遇大雨

尊

中竹葉休辭醉檻外，梅華總耐寒漫道邨居堪。結  
屋勸君且辦卅年官。

錢順甫善揚得瓦筆架山底鑄建文四年三

月日橫峰造吳氏均茂誌十五字蓋去金

川失守僅三月事耳屬賦二詩

冀馬燕犀夜舉烽，金陵何處是蟠龍。不知多少河

山碎枉說區區幾寸峰

又念家山破可憐革除年換甲申年翻輪幾寸橫  
峰在留架錢郎筆似椽

哭葛見巖激

夢幻俄驚廿五春如君薄命果酸辛總惟那見兒

三尺

君無子并無  
爲之後者

血淚空揮母六旬

君母年  
六十

最痛

扶牀徒有女

君遺女一十  
歲一四歲

可憐舉棧舊如賓茫茫

萬事歸泉路淚灑行人亦滿巾

一盞孤燈幾卷書斷腸猶話受經初可堪課讀圖

方就

君三歲失父母王氏守節撫孤君去年索爭  
馮秋鶴繪秋鏡課讀圖蔣丹林老師書額爭

奈稱觴願尙虛服賈心勞終爲母養生計盡始憐

渠最傷治櫬幸兒志埋骨千年恨有餘

君數年前擇美材爲

母治壽器頃病亟親友謀移用之君聞之大感

一夜啼痕共血痕母妻相對待朝曦空聞後會期

泉壤忍說承祧少子孫

四月廿八卯時

想去眞多難了事

筭來應有未招魂卽今料檢資羣從

杖屨

異日零

丁可再論

斷墨飄零字幾行一椽詩屋冷谿陽古綠句好張

徵士隸法書神趙奉常

君於去年闢谿陽詩屋扁爲上海趙謙士太常八分

書去冬十一月方刻竣張文魚題詩云谿陽多君子頗味詩書旨況有英雋才教養出母氏所結古



人緣時泛春波船嗜好皆殊俗清暇  
鋪吟箋字字出至性高歌白華篇  
縱見邑書傳

姓氏誰編家集等琳琅請看谿水濃於舊空送銘  
旌到北邙

總角深交交最深從今真少一知心秋宵猶記當  
窗語春日空餘絕筆吟何限琴尊同對席幾多風  
月共題襟那期訣別三句速欲制愁腸淚不禁

附錄見巖所賦時大彬壺二首

時大彬方壺澂母家王氏藏之百數十年

矣辛酉秋日過隱泉訪安期表弟出此

瀾茗并示沈竹岑廣文詩卽席次韻

葛澂

隱泉故事話高人

隱泉一名高士泉

況有名陶舊絕倫

煮茗肯辭甘草癖成詩底買玉壺春賓朋聚散  
空多感書卷飄零此重珍記取年年來一叩未  
妨桑苧目茶神

叔未三兄得時大彬方壺於隱泉王氏賦

四詩見示卽疊辛酉題是壺詩韻一首

移向牆東舊主人竹田位置更超倫瓦全果勝

千金注時好平分滿座春

周高起曰陶肆謠云壺家妙手稱三大蓋

謂時大彬及李大仲芳徐大友泉也

石乳石林

余爲轉一語曰明代良陶讓一時

眞繼美

叔未令弟季勸藏宜典壺二一陳明遠製底鑄石乳泛輕花一方壺底陽文石

林中人四篆字係天啟時吳萬化物也二品俱余爲作緣

寶尊寶敦合同珍

叔未藏商尊一文曰冊斑作父乙寶尊絲藏周敦二一日豐侯卽作朕皇考尊敦一日惠作朕

文考率伯尊敦

從今聲價應逾重  
試誦新詩句有神

### 建文元年應天府銅權

甲子三月十八湖州汪載賡茂才所贈五月十三賦寄宜泉翁秋部

昔得建文二年權湖州府字識一邊今權得自湖州府建文紀元字獨全權重■兩形橢圓惟時元年惟府應天七字鑄就非雕鑄吾思應天府治明初寶都此街衢洞達閭閻且千竇絲糶穀課稅數

錢爾權纍纍應高懸鞞鼓動地來冀燕景隆賣國  
開金川火急革除建文號十行詔下何喧闐空山  
百尺之碑猶拽倒何況市中寸銅寧不付鎔煎斯  
時爾權何處避字腳刻露猶依然石峰銅權十五  
編記題此品何精研王戊春日大典翁宜泉出示  
石峰草堂十五權墨本內有  
建文元年應天府銅權覃谿先生題云昔顧亭林  
金石文字記載霍山中鎮廟建文元年二月碑謂  
建文一代事跡無可考證存一石刻猶愈於野史  
之無稽者況此權正是應天府物使亭林得見之  
其爲快幸更常何如耶世間無物不有偶對此寧弗歎古緣  
因此作詩寄宜泉報章重遲瑤華篇

甲子三月廿二日叔未三兄自吳興歸棹

枉過谿陽詩屋出示所得建文元年應  
天府銅權紀元字跡未損深可寶賞力  
疾成此  
葛澂

遜國君收第二權教人重話革除年遺文猶認  
元和腳平準誰工姪女錢王氣易銷歌玉樹天  
心難解失金川病夫不管興亡恨載筆空餘楮

墨緣

右見巖遺棄余於見巖故後從谿陽詩屋破紙  
中檢出是見巖之絕筆吟也附錄於此不勝傷  
感五月十三  
日延濟記

雙魚僊蹟圖應孫愛山明經之屬

吳真君祠青山陽宋開熙建志常棠雙魚規文庭

中央目驗得之方

豐

與王

純

延陵

吳東

圖記何彰

彰徵詩維魚非荒唐衆乃蠓省字說詳蚤載說文

蠓公羊水盛蝗化魚洋洋五穀大熟歌倉箱激浦

湖田高且良紅蓮烏糯箭子黃

見激水志

歲以水澤卜

豐穰

聖人在上時雨暘見霈霖雨水泱泱今

年定有農夫慶僊祠顯蹟應光昌瑞應豈止山海

鄉維魚維魚大吉祥

甲子夏五廿一日戌時妾舉一子喜賦四章

羅薦闌湯報浴嬰溫和氣候正長羸紫荆樹喜纒

分種

前擬以弟之子邦棟來嗣

紅荔枝欣又側生但願交柯聯

棣鄂敢誇英物試啼聲牀頭笑向山妻語莫學苗

君竟倒紉

墮地應緣夢覺遲暫教呱矣緩經時

醫家言以小兒墮地未卽

啼者爲夢生

相看肖子生同物

余乾隆戊子生今年甲子生肖同物

不是

添丁有異姦妾惡休徵金屋事兒嬌憑賦玉谿詩

還欣舊句重提起伯氏吹壘仲氏簾

去年立繼邦棟兒子詩有

後如舉子壘簾叶句

尊前白髮話喃喃爲喜孫添第五男

季弟沅已舉四子 鳩

杖扶來看一一雁行排去恰三三

見子上林行一兆併行二弟子

邦材行三兄子元桂行四子邦棟行五弟子邦稚  
樞行六邦本行七兄子魁梧行八此兒行九  
枝總藉松陰盛老境應逾蔗味甘記取桑弧懸次  
第壽星歲歲照弧南

潘郎憔悴鬢成霜學夢熊羆第一場漫說冰盤湯  
餅滑看裁錦襖剪刀忙豚兒那有譽騰驥騷客知  
無寫弄麈慚愧傳家留長物五車書卷滿樓香

題海鹽劉氏同春堂十三修家譜

嘉慶二年  
劉導淮修

海鹽劉氏系大梁至正卜居大易鄉

劉氏始祖世  
昌名衍河南

開封陳留縣浚儀鄉人子仁山名海  
以元明經擢第仕鹽學正因家焉

廷佐垂髫遇



兵亂潛育吾鄉琅邪王

廷佐名用幼聘嘉興里仁鄉王氏時兵擾舉家被害

廷佐方垂髫刀傷徧體混叢屍中獲存殘喘賴鄰姬送至外家潛育之

三株樹森派

繁盛

廷佐生三子鳳鶴鵬

鳴珂懸印韻鏗鏘蒙齋繡衣首持

斧憂時振筆書疏狂

秦字世亨正統甲子鄉舉景泰辛未進士霜臺繼

美有拙逸鹽漕利濟人綏康

瑋字公奇蒙齋從子成化庚子舉人甲辰

進士嫉閹辭官寄詩酒養眞識量何汪汪

演字文敷拙逸從子

成化丙午舉人宏治癸丑進士石屋令政數難悉爲周行藝漢循

良

肅字汝沖養眞從子嘉靖壬午舉人癸未進士

暨三御史擢公顯講堂

譚經聲琅琅

東沙名燿字元履石屋從子嘉靖庚子鄉魁

熙臺山人官

清白名宦西江及貴陽

炳字元白石屋子嘉靖癸卯舉人庚戌進士井

圖銘授鄭端簡慎齋立號意深長

世挺字敬修熙  
臺長子萬歷丙

子舉人丁  
丑進士

閩清公眞強項令譏刺不畏奸飛章

廣乘

名世教字少彝熙  
臺三子萬歷舉人

徐清忍飢苦誦經永明禦寇兵

氣揚

源字爾蒙東沙曾  
孫萬歷丙午舉人

備兵淮徐理河漕緋袍白

馬十四郎

長源名滋字止澄東沙曾孫  
萬歷乙卯舉人已未進士

終明之世

甲科十鄉貢十六蜚膠庠其他行修名不顯韋布

之士嬖圭璋郝鍾閻法亦並美名媛彤管紀芬芳

今傳二十又二世千戶萬竈衡字望墓田數頃展

時祀尊卑齒序分班行爲問慶門致何自景儀公

實發其祥永樂癸卯瀕海警公獻備禦策蒸詳海

寧防禦蘇松接沈家門險歎望洋十死一生到官  
戍哭聲相繼悽斷腸公遣其子請朝右九重三誓  
置海防百口保百年無事水軍免溺誠慈航更議  
掌賦民苦重夏稅帶徵於秋糧至今千萬人戶稅  
此事寧非功無量又况孝友傳家法緩齋詩垂同

春堂

景儀名鳳廷佐長子獻防海策境非致寇奏  
罷沈家門海戍請夏稅於秋糧中帶徵盛德

甚多生九子第七子卽蒙齋爲鹽官劉氏科名之  
始緩齋名傑字季俊景儀第六子成化改元纂修  
英廟實錄爲同甲會以合親友爲松楸同春  
會以合本宗有緩齋集題同春堂詩二十韻至情

至性字字淡孝弟油然生豆觴光於前者裕於後  
固宜世世常熾昌嗚呼高門自古有王謝崔盧著

晉唐聲勢赫奕不足貴要在清德垂縹緲吾禾族  
望十數姓呂錢朱沈魯衛常焦莫婁暨聞人氏惟  
君家實相頡頏積善從來有餘慶家乘請視劉家  
莊

李梧生廣文承烈從軍圖

幕府談兵日披圖此重論戈鋌橫粵嶠鈴柝響軍  
門魚鳥千山出貔貅萬竈屯此時籌筆處古驛月  
黃昏

旬日苗來格

天家勝算操飭車推吉甫草檄

用枚皋露布馳飛騎霜華拭寶刀凱歌重九唱風

雨暗征袍

詔許褒書記先生官廣文娛親毛義檄饌客魯侯  
芹禾郡新詩卷蠻江舊陣雲酬恩此身世愁說故

將軍

謂覺羅  
吉太保

冰署逢青眼傾心大雅材酒香揚子宅華夢越王  
臺筆陣千軍埽炊烟萬井開

先生今年奉郡伯命  
襄聖賑事全活多人

經綸資巨手那便老雄才

侍 家大人暨諸同人集龍庵精舍用昌黎

山石詩韻賦應本公和尚之屬

石杓逼仄谿流微寺門風緊柳葉飛佛香一縷引

屐入牆角樹老蒼葡肥

庵中有槐  
子一樹

書畫六幀又壁

看聚散離合謂古稀炊秔白兼凍醪碧誦經且勿

欲忍飢團坐寒節變妍煖冬曦如照前扉延寺

隊行聯少長指點招提掩林霏

於庵旁隔谿  
望招提寺

古澗

舊澗今喜滌曲水抱庵如帶圍當頭新月出皎皓

趨趨走送僧緇衣鄉園良會洵可樂吁嗟蠻觸虛

名機願言愛日日長好敢滯遠遊輕邁歸

時將  
入都

沈向齋進士可培東洲釣叟遺像

今東洲里古東周

至元嘉禾志履仁  
鄉管里五三東周

勝地遞產賢

達儔高太常後人代出

太常名遜志字膏菴靖難  
師入走永嘉山中餓死

向齋沈先生殊尤八歲讀易論乾坤真識早契喜

與儼辟如名駒骨權奇不待齒長顯驪駟南宮第

五魁蕊榜江西冀北賢諸侯東陽氏志夷庚愛上

高時劃界埠嶮路民稱爲沈公嶺盜弭法無庸僕區頭銜特荷

主恩賜講學生徒來數州灤源書院山左最白鶴

白雪羣英收問答卷著十有二古訓細繹如絲抽

鵲華山頭芙蓉秀蓮子湖邊楊柳秋歲庚戌年五

十四華髮滿鏡欲白頭回首東洲釣遊地安得歸

去竿絲投圃成不曾著一字鄉心萬縷隨波浮歸

來客杭復客閩羣公幣聘爭挽留比主駕水將赴

講痰疾陡作難遽瘳依竹草堂成高臥有穀貽孫  
聊優悠誰知孫枝忽摧折老淚黠滴愁更愁已未  
九秋廿六日文筆遽赴天上修等身書在身何在  
東洲清波空如油先生令子吾姊夫經史金石頗  
研搜遺書編纂成部帙如欲繼向固繼彪賤子託  
契廿餘載忘形忘機盟鷺鷗記過從聽先生訓一  
一溯之心煩憂講舍相比來往熟壬子泉攜研安八  
詠樓癸丑辨析禮制振墜義以經解經沉可鉤謂文  
如山須凹凸奇峰變化幻十洲於戲君子老思死  
則教教令人思思無休先生少長老有業曲臺舊



恨能揣侔况我親串親聞誨匪徒仕學歎兩優空  
鉤意釣神宛在展對不禁雙淚流瓣香燕更寒泉  
薦先生之靈其來游

得王夢漁敬曾自當塗寄懷第二札卻寄

夢漁武

林人

千里歲書墨未乾多君兩度問平安新詩仍遣洪

喬誤

夢漁有見懷入詩  
兩次見寄多不達

舊雨真憐范叔寒煙水有

盟尋蠟屐

庚申與夢漁訂  
交於嘉興縣署

樓臺無恙馬吟壇

夢漁  
秋間

寄書說近作有吳楚下帆分  
上下江山半壁屬樓臺之句

南州九井多形勝恣

與瓊邪放眼看

順安詩草卷二

嘉興張廷濟叔未著

男慶榮孫

福熙  
晉變

較

乙丑正月十三夜泊楓橋

病骨難禁路幾千  
勒移輕舸便南旋  
算如再下劉蕡第  
不管誰先祖  
逃鞭篋裏詩書原  
汗漫市中簫鼓自喧闐  
可憐獨對寒山月  
聽盡鐘聲總未眠

沈秋塘廣文自括蒼任所請假歸里將赴禮部試因病未果余亦以病自常州回舟賦贈一首

宦半成時宦未成  
輕攜書卷上春明  
暫分芹藻新

師友高會漁樵舊弟兄過嶺好詩盈篋衍驚人奇  
論到杯觥嗟余同抱相如病且卸征帆事耦耕

### 詠建文錢

遜國遺文在團團法自園革除原有詔鼓鑄豈無  
錢憶昔當洪武時教置寶泉暨經嘉靖補遂使列  
朝全獨少建文號偏遺惠帝年選時增惋惜譜去  
重流連何此銅如月翻殊銀化煙一輪非免缺四  
字象蟬聯建文通寶上下讀辨質誠前範稽文匪改煎從  
知壬午厄盡舉史書湮石闕猶都毀鍾官豈尙沿  
不圖囊得一還歷費盈千惠記潘郎厚乍浦潘雪子文

投翁子先

拓文寄大興翁宜泉

河間非漫數洪氏快重編架

筆曾題瓦持衡舊詠權

秀水錢順父藏有建文四年瓦筆架余舊時得建文

元年二年兩權

未如藏赤側長得伴青甌詎以貪成癖多

因古作緣詩成還一笑滄海與桑田

### 自題畫梅

東風吹入長安中打頭有浪陡轉篷勸我領略梅  
花風梅花似雲看不足信手琢成幾枝玉桃兮李  
兮總麤俗

### 陳仲魚同年過新篁里爲題其簡莊圖

萬壘青山萬樹華故園無恙舊隄沙一身許鄭譚

經席幾葉韋平相國家且向簣管維客權待攜琴  
鶴到官衙潞河歸日真如昨風雨黃昏未卸車

海鹽橫湖里馬愚庵國偉少白用俊鄂韓聯

吟圖

問訊瑣城道扶風有二難橫湖新粟里華萼舊吟  
壇自受韋經讀肯教姜被寒笑他萁鬻豆齒冷并  
心酸

次第堦簾奏怡怡此一椽只知聯筆札那復計刀  
泉海內誰師友人間卽佛仙  
年年風雨夜真箇對  
牀眠

脩戒橋邊路松楸淚萬行感時悲几席

指其尊人忌辰詩

鐫集重琳琅

指懷樸居績集

愁釣谿頭雪空添鏡裏霜不

知殘月落幾廢蓼莪章

兩度衝寒渚梅華正放時未成投華飲已挹漸遠

儀贈句繫雙璧

兩君貽余詩四章

借書虛一緘

余借讀書五書

飭簫寒食後春樹重相思

前札訂於清明時見過兩君去臘正月初兩過新

溪訊之俱自脩戒橋省墓而來嘗梓其尊人懷樸居績集一卷又余檢其鄂鞞聯吟集中各有其尊人忌辰及題其尊人秦谿釣雪圖詩皆至性語

嘉慶丙寅二月十八日申時妻沈舉一子行

名慶榮小名大豫喜賦四律

錦綉新筍透華南

今年元旦妻夢新谿草堂桂樹下發筍三株

弧矢懸

來舊徑諳尙是乾爻成再索居然齊戶已三男看

開笑口 椿護共行指隨肩伯仲堪

指邦棟邦梁

正過

清明剛一日好占由豫盍朋簪

是月十七日戌時爲清明三月節十

八日申時以漢儒六日七分法推算係豫四爻用事

四十纔占男子祥

妻今年四十歲

九泉應慰沈東陽

沈寬

夫先生諱潞卒於乾隆甲寅七月七日

侶添鶯燕思前語

外舅臨終時命延濟

夫婦曰若三十無子當置妾

雛樂鴉鸞是妙方

妻痛三女之傷成疾幾危賴嗣

邦棟暨側生邦梁後繞膝堪娛精神少振今得此雄寶基於是

安得青箱貽阿士

妻兄沈素人明經春圖季木兩茂才皆績學

可能黃絹賦中郎

外舅乾隆乙酉

鄉舉受知於新建曹文恪嘉定錢少詹博  
稽經史兼精醫學詳嘉善縣志文苑傳  
遙知白

髮璇闈裏定有鐙華送喜忙  
外姑程太夫人  
今年六十又九

看虎頭城兆匪誣  
嘉慶丙辰元且延濟祈關帝籤  
卜妻沈何年得子得八十九籤

文曰尊前無事且高歌時未來時奈若  
何白馬渡江雖日暮虎頭城裏看巍峩  
果然穀得

小於菟金精物已同三世  
桐山兄戊寅生季勤弟  
庚寅生三從孫今年正

月十八日生  
玉樹枝應挺五株  
四弟姒  
現有一身自是毓寅符運

會  
路史男十月毓於寅寅爲三陽  
父塋兆合寅午戌局逢此三辰易於添丁先大漫誇

生子試之無洗兒畢向  
雙親壽歡上黃封酒一

壺

去年病翮返江千回首雲程路幾盤豈是在山忘



出谷敢云有子抵無官田園兄弟荆雙樹雨露

翁孫竹萬竿努力槐華黃又近春風容易入長安

至柳姑廟候錢恬齋太史

東風吹雨作

去聲

晴天載得湖光綠滿船匝地菜華

黃似絹連畦桑葉碧於煙水鳧有伴暝都穩野鳥

無名聲自圓正是江南三月好故應平子說歸田

太史思  
邨居

海昌吳宛牀山人寫東風細雨畫扇冊

九十春陰雨未消桃華新水湧輕棹東風到處留

人住不管煙波第幾橋

服賈春秋毛鄭詩漢京古訓絕新辭瓜皮也是傳  
經帳莫認經師作釣師

陽羨谿頭屢挂蒲買田有約問髯蘇篷窗自鬻新  
茶喫合選龔時幾品壺

碧水灣環繞竹田到門曾泊米家船不知谿柵留  
題後可許清吟又一篇

谿柵排沈霧先生集  
內新篁道中詩句

松江張遠春孝廉興鋪子元卿濯足萬里流

圖

赤足蹋破浪浪從腳底逝水清心更清指向長流  
誓長流不可窮孤篷自天際

夫君吾宗秀道義有長原長原滄波闊難與溝渠  
論不見船前山岷嶓與昆侖

楊芸墅文蓀過新篁里索題修竹吾廬圖

芸墅老屋在嘉興城

外圖卷念舊而作

記得清陰綠到門烏衣難問舊巢痕從君撐出淩  
雲勢認取成龍有竹蓀

滿庭清露滿窗風回首寒雲舊夢中何不移家來  
小里一村修竹賤如蓬

載將煙雨到寒塘萬个篔簹一水鄉比視君廬知  
似否憑君風月細平章

君家司馬重

熙朝一紙淋漓墨未消他日誌

成期共讀寒鐙風雨夜重挑

子家藏有自西少司馬公手札三通係公

與陸鶴田侍御者侍御後人遷居吾里因歸於余余將編入篋里小志是日余出與芸野共談

### 哭沈季木寶棻

苦病長年感萬端  
陡傳凶問鼻丸酸  
田廬半廢家何在  
兄弟多情被未寒  
誰向齋鹽謀寡鵠  
空將書卷付雛鸞  
可憐七十龍鍾母  
哭到西堂看蓋棺

樓指年華廿二春  
彈碁鬪酒兩情親  
驚心京國傳

洪潑

辛酉秋余客京師君聞京中大水到家慰藉

握手河梁問去津

未

春君送余北行至吳趨話別

只爲多愁添鬢雪  
更誰投款話風

塵從今病婦呻吟日鷺粥然鬢少一人

題石門施少峰嵩紀哀詩後

純孝從今屬少施斷風零雨踞猿時生來只有思  
親淚此外何須述祖詩自古人天難補恨輸他草  
樹總無知可憐丙舍蒼烏句曾記題詞待我師

吳指

蘭陔  
業師

附錄

吳懋政

一字吟來一淚痕絕勝楚些賦招魂懸知丙舍  
哀歌處應有蒼烏集墓門

雨後夜坐風雨淒清回憶去年早秋葛春嶼

嵩過清儀閣點鐙話舊情事賦以代簡  
微雨新晴預送秋輕衫小扇獨登樓涼穿竹柏風  
當面影上松桐月滿頭絡緯一聲催節物鳴蛙兩  
部鬧更籌去年記其珠谿客露坐窗前話舊遊

朱梓廬明府休度壺山圖

先生昔爲余題少山壺漢方瓦注矜奇觚先生今  
屬余題壺山岡邊方泉石勝名都壺山之圖境奇  
特壺山之吟筆清腴一讀吟橐一讀畫沃我詩腸  
忘焦枯先生裴園承舊學金壺古文細商推冷官  
於越飯不足開懷且試百壺握提壺更入武林局

奇書校讎正舛駁一官奉檄來雲中卻愛山窮與

水窮

廣靈有窮山窮水窮財主之諺

訟庭清閑晝無事扶筇試茗

衙齋東飲冰一壺非品味要品此心同不同歸來

補圖軒巽好指點浮漚是山竅玉峰寶峰任臥遊

舊夢重尋顏一笑賤子蒙契今十年瓠壺無用荷

見憐示我漢瓦建安字飲我宋甕內府泉謂我雕

琢愁肝腎作詩苦且暫輟焉謂我明年運在祿病

減盍整驢車鞭我感先生此意厚疑義遺文欣屢

叩行將再放范湖舟從弟子列侍左右壺中之日

特地長再拜敬爲先生壽

吳兔牀山人所藏永隆二年心經石刻拓本  
隨末崇造象鐫經十之一斬勾佞空王紛紛數難  
悉茲刻象與經尺幅儼梵帙曰永隆二年曰五月  
四日雍州好時縣三娘名未逸爲亡夫父婆眷屬  
盡親暱世尊與菩薩敬造心職慄并鐫般若經名  
義非祕密書無作无字王育說可質說呪省呪字  
懷仁集不遁是時梁師都僧據方軋沕此書秀而  
適未解何人筆得無歐褚虞秀氣時旁出怪底金  
石家曾未著簡畢何幸渤海收掇贈延陵室先生  
儒者宗投老勤著述高樓築拜經點勘操不律善



本校宋元古文摹丹棗昔訪國山碑繭足走勿恤  
濡脫縮作圖闕訛精辨詰雪客天發考咸知非所  
匹昨者過了谿秋風正瑟瑟周戈漢鏃斗其賞吉  
金吉年高神愈王誰知開八秩此身大自在无礙  
无苦疾壽者自有相奚念波羅蜜

己巳正月舟中思 親成詩三章

晨起拜 雙親雞鳴天初曙 親言時尙早解纜  
且無遽忍淚立須臾悵惘白茲去

去去路正長去家此其始曲水幾灣環倏已非故  
里況欲見 親顏回頭徒延企

篷底偶一夢上樓間  
平安原知夢因思翻覺夢  
轉歡起坐獨自念流淚何得乾

泊舟惠山寺

飄零書劍滯孤艘  
拍酒登樓氣未降  
狂笑泉名猶第二  
醉憐塔影已無雙  
繁絃嘈雜初圓月  
華髮蕭騷五渡江  
多少天涯游子淚  
白雲山色滿船窗

車中詩四章

又書驢券入春明  
嬾爲雞聲賦曉行  
遠道音書憐寂寞  
故人裘馬想肥輕  
侯門何處依王粲  
國士誰當薦  
長卿此去應須更努力  
春風好慰倚閭情

策蹇衝寒滿面塵半因親老半家貧  
牛衣對話艱難日鳩杖雙扶喜懼辰  
子舍況兼田舍好錦衣須及綵衣  
新願教乞得東皇賜領取人間未暮春  
目斷天邊雁一行關山千里暮雲長  
春來荆樹花應滿吟到池塘句亦香  
白髮可能無別淚清明容易感他鄉  
挑鐙重省前宵夢同抱書包上學堂  
水驛山程月兩圓雲鬢玉臂亦堪憐  
課兒勤想開新卷刺繡忙知補薄田  
小婦病應差往口外姑健可勝從前  
采蘭獨絜南陔養借重卿卿要半年

寄廣東順德溫九遂之汝遂

海雲千里報平安

溫寄來書  
竹四幅

竹閣焚香著意看文

字晉唐羅寶笈

溫藏有永嘉五年六年數十方  
并按得唐聖歷時龍龕道場銘

簪纓兄弟重珠官交聯金石知心易夢阻關河會

面難安得經過借趙尹大書姓氏重鐫刊

丁卯之  
秋趙晉

齋尹滋亭借過  
竹由題名勒石

紀哀二章寄石門施少峰爲訂交之物

見耶兒心樂不見兒心憂夢時在眼裏醒時在  
心頭兒身有日死兒心死無休

稽首拜大士大士大慈悲願仗慈悲力冥幽得所  
資一拜一痛哭阿耶知不知

梁山舟學士見貽琉球万葉紙四番賦謝

貢使毛光國求先生書此紙其贊也

萬里陪臣乞寫碑勝他詩句織弓衣東坡以後無其匹七百年來此事希

珍重中山紙四番一經椽筆更誰論鷗波書尾停

雲押只合封題示子孫

廷濟卽以紙求書聯語

唐室殘碑漢室輒銘辭大手遲摹鐫千秋物壽兼人壽要數寒窗兩研田

廷濟以漢萬歲輒唐天寶七載子產廟殘碑兩研求

先生書銘

太平寺主僧湛宗重建明吳尙書鵬所記之

沸雪軒落成於嘉慶庚午軒爲吾家考堂  
之東鄰中僅隔明洪武二年所築元處士  
陸景春墓耳夏日登考堂之樓望之悲感  
無已寄題四詩

芟將草蔓結精廬辛苦菩提一載餘新牘高華賢

太守

李許濟郡  
守爲題額

故碑零落老尙書誰參真果來烹

茗爲理殘畦自種蔬過眼風鐙從古事蒲團一餉

悟空虛

幾弓桑地陸家庄揮淚經營是考堂種樹穿池眞

昨日歸神安魄竟何方

去年七月得陸氏桑地  
先君卽命造屋以病未藏

今年春延濟終先君之志構屋三間命之曰考堂將塋先君像於中樓空處癡願

裝遺像且聽經聲禮法王寄語僧寮休外我死灰

一樣此心腸

處士孤墳尙未犁墓門冷落長棠梨已無杯酒澆

重壤矢樹貞珉試一題千載裴休空捨宅百年卞

壺更封泥余加上於是墓將來當爲立碣滄桑閱歷成抔土總勝

冬青杜宇嘯

弔陶千里感賓朋鑿石題名健筆能二月廿三日四廿五賓朋

弔先君之喪多茶板聲清雙寶閣東方西佛香

過軒題名於石煙護四高僧紹昇隱然誠非蓮潔孤兒涕淚悲諸劫祇樹鄰

居借一鐙珍重渡船開士問好緘藤笈寄吳興僧

寺

靜覺著有渡船集武康  
同歲徐雪盧索看爲敘

六月十九日同海鹽陸雲中布衣拜永寧元

年六月十九日淳于氏輒

今日何日爲君壽鑑有清香杯無酒君有古靈應  
我憐我有苦心應君剖憶昔乙卯四月望海上訪  
君繭足走滿船明月共君歸父兄鐙前開笑口戊  
辰此日情最驩願丐一家同壽考何圖去夏自北  
旋哭拜吾兄靈之右哭時猶復自慰幸堂上康  
疆兩白首可博親歡靡不爲夕膳晨餐旨且有猶



記此日因壽君招要葛三酒一斗奈何窮陰厄吾  
父有疾竟難療肘後拊膺呼天天何高迸血入地  
地何厚君竟無靈壽吾父君與孤兒應亦負嗚呼  
無父真無怙我實有罪敢君咎君沈沙底出潮頭  
塵劫滄桑幾經受冥冥作合洵非偶應憐小人惟  
有母不惜爲君一拜手使我北堂年長久是時同  
拜爲誰某會刻孝經我陸友

乾隆壬子國子監刻  
石經雲中陸兄入都

恭勸孝

經全部

王澹庵先生宗樞遺像

吾懷肆雅翁 先子交最密 一去十九年 返魂竟

無術痛余賦孤兒無怙方銜恤若使翁尙存提攜  
庶可必輾轉悲我心對象徒涕出我涕有時乾我  
心何時畢

題嘉善沈氏壁

破窗敗宇網蟲絲玉管金尊曾幾時喧寂摧心眼  
不得挑鐙起作感秋詩

翁海村徵士廣平以乍浦丁半閑圖索題

九峰人說艸鞵詩

丁曾作艸鞵詩極佳

寒夜披圖恨見遲合

與芒屨添故事葛要繩屨一孤兒

舟中靜思人家興廢之速作此寄感

野梅最耐寒二月華尙好寧使春意遲莫遣秋風  
早

辛未正月初三日齊樂亨橋墓祠靖雪

孤兒哭堦墳前雪鬚髮衣冠如雪白不知能靖幾  
何年紅滿雪中淚成血

同海寧陳仲魚同年訪葛春嶼卽宿銅香閣

與向之時徵夜話

搗也相期共放舟便登百尺臥高樓飄零錦瑟添

紅淚憔悴麻衣已白頭

向之悼亡  
余失怙

離易合難真一

夢今來古往孰千秋劇憐聽雨連牀夜挑盡殘鐙

話未休

黃思堂明府本誠蘆華淺水圖令子省甫

■索題

宦海風波怕急瀾打篷容易卸篷難爭如穩權蘆  
華渚一領蓑衣下釣竿

老硯摩挲天寶年鬱林多謝載歸船憐余未識坡  
翁面閒共斜川話惘然

省甫兩以自新鄭攜歸天寶七載子產廟碑殘石賦

余作硯故  
次章及之

漢元延元年長安共廚銅三斗銷第廿枚爲

文後山鼎賦

周世宗陵夜飛雨漢元延銅曉出土

銅出新鄭縣郭店西周世

宗慶陵黃思堂文字是世時以二萬錢購得之

腹準今量七升七口徑漢

尺尺有五梁山式異宣和岡小盆字合浚長詒江

夏昔其古石攜

黃又得天寶七載子產廟碑殘石今歸余作硯

好事請觀

屐滿戶邇者者古數雁門千金不惜懷瓘估天籟

文几供中央特闢高齋廠庭廡傍羅法物矜且嚴

魏晉以下不敢伍昔年吾語蘇齋翁翁話墨綠喜

欲舞大書四字榻停雲兩漢重提記

一部銅載大典翁學

十兩漢金石記學上近

爲後山書三斗銷齋榻猶惜移壑遲數年姓字未

錄阮積古

儀徵阮師積古齋鐘鼎彝器款識卷九載銷是時銷未歸後山

我清儀

開貯古金尊彝敦鬲鏝壺弩公主家鬲十六年

漢文

時器

黃山宮鑑第三數

漢惠時器

相對道古屨更闌濯腸

篆籀滿一吐安得淨洗塵埃緣卷卷奇文盡傾吐  
長千百言短數言彙合諸家成一譜此文字眞西  
漢年上告歐陽劉原父

宋政和嘉泰砌街輒爲葛素如廣文星垣賦

宋砌街輒蕪街溝政和三年地秀州嘉泰時已嘉

興府改州不記記重修

寧宗慶元元年乙卯至嘉泰元年辛酉陞秀州爲嘉

興府已七年矣

郭五鄉不見元志我疑卽是五鄉地五鄉

案界皆在郭胡張羅馬故連記不然鄉上宜繫縣

州下何無嘉興字

按至元嘉禾志錄事司五福嘉禾山拳徽善時清五鄉凡十有

二界皆在郭鄉意此募砌諸人未必盡屬一鄉故聚以郭之五鄉耳

抑或五福本郭

五廣平里橋名同義

按元志五福鄉管里四第四廣平里今廣平橋正近韭溪

菩薩二橋或宋之郭五鄉元改五福鄉耶

此疑究不如闕疑掌故不敢

還私智稚川去秋初得之邀我看視索我詩是時

濡脫廿一紙詩未暇作先題辭我與古甌緣本結

漢晉之品滿一室水窮重溟山重巖篆隸紛綸編

甲乙雖扁精舍日八甌其實悉數不可畢就申亦

有記秀州海鹽古牆曾訪出志墓甌亦兩見來周

包冥漢空夜臺一藏海寧周進士

松爲進士藏唐周君墓甌一

藏仁和趙秀才

晉齋明經藏唐包夫人墓誌

方廣厚薄此略似

字畫俱未湮莓苔吁嗟乎曹叔文甄隸續附五鳳  
甄系竹垞誤埴之器匪石堅此獨何爲尙完固  
憶應童試十四齡到今卅載髮星星集街不知幾  
何走足繭寶刻空回經若如垣一方能見定當鏡  
昇煩五丁從來顯晦有定數土出草茅碑出土未  
爲席上琳琅珍且其泥中沙礫伍一磨甄研一長  
歎道在瓦礫夫何苦

計壽喬廣文楠梅華西舍圖

山水不知老此生眞達觀煙波范蠡宅詩畫鄭虔



官秋菊異時薦梅華今歲寒相思渺百里雲樹幾  
回看

哭沈秋塘品蓮

貧交古道幾人存回首歐門舊弟昆庵地園林詩  
卷淡燕郊風雪酒旗昏臨歧易下楊朱淚作賦難  
招宋玉魂知己感恩遜一哭買絲爭不繡平原

周子潔老人茂藻募葬徐侯齋孝廉枋并贈  
其寡媳孤孫啟

歐緝木行楷書前有繆歌起行書題清  
流種三字今藏德清戚若田同年展

鄧尉誰封土一邱先生葬鄧尉之西真如臨買山辛苦故人謀

詩書有種唯黃口廚顧無家已白頭自昔野梅標

冷格

先生有遊鄧尉觀梅詩畫冊今藏海寧吳氏拜經樓

祇今秋菊薦寒流

憐余正是傷心客爭把遺文讀便休

不葬貧交訖不完墨痕重與淚痕彈一盂麥飯營

抔土幾字銘旌哭兩棺范式終教修墓去程嬰真

歎立孤難便應落筆號神鬼雨暗燈昏漏正殘

臣死君恩子死親兩家父子盡完人

忠介死闖禍文靖殉國變

忠魂毅魄兩姓清門而先生與子潔老人俱從艱危困苦中食貧矢節卒以遺老全歸真爲無忝所

生獄門半夜遺孤血土室經年歷劫身薇蕨西山

眞義士衣冠南國古遺民定知泉下相逢日話到

滄桑老淚新

壘嶂千重踞恨猿買絲何處繡平原營祠自作安

仁賦

先生遺屬云吾生不知之深而信之篤謂在

易亭名无咎卽卷中所云楊子震百嗣後潘次耕

太史與楊易亭戴山人名易字巽仲卒保其孤山

人并爲營葬潘保先生遺孤復澗上草堂又歸田

於孤寡易屋建祠仍迎孤寡居之詳太史徐侯齋

先生祠 剪紙誰招宋玉魂斷墨有靈歸祕笈草堂

堂記 無恙尙清門 近吾友徐山民待詔達源 合攀三字

如椽筆卻報南州與細論 擬摹清流種三字

陳西峰 ■ 獨立聽松圖

古貌蒼髯壽者容平頭六十未支筇青衫獨立知

何意不是尋詩便聽松

陸朗夫中丞耀手書冊子

申呂歸天上名言自古今持身真報 國家訓卽  
官箴日暖湖湘側風清海岱陰韋平他日繼暮夜  
孰投金

黃大癡絹本山水尺幅爲黃省甫賦

唐朝碑石漢朝銅廿載交論金石緣留得寸縑虹

貫月笱箕泉隱畫中仙黃隱於杭之笱箕泉省甫舊藏有唐天寶七載鄭子

產廟斷碑又有漢元延元年三斗銅碑旣贈余爲研銅贈文後山

零落東皋舊草堂荒祠衰樹兩茫茫輸他一幅青

山好小印紅泥字字香

畫幅右角有稼軒  
耕石齋珍賞圖書

題秀水錢順甫翠亭圖次其韻時恬齋太守

官自滇南舟來話舊故語及之

十載西堂記舊論中年哀樂幾人存荆關畫筆無  
今古吳越清門有子孫遺墨飄零知已淚荒邨剝  
啄故交恩多情太守君舅弟未卸征衫還扣門

牛符

丙子夏五朔日仁和金石老友趙晉齋魏歸  
自邗上過清儀閣出贈古金數種內有宋牛  
符一高二寸脩三寸文刻腹下曰癸丑寶祐  
春鐫晉齋家寶祐坊寶祐橋余戲語云此物  
君當家藏好備坊橋故實晉齋云寶祐橋邊  
一老牛今爲兒孫作馬牛不得不爾牛來思

矣余因續成此詩  
晉齋爲之一笑

寶祐橋邊半老牛偶然騎鶴返揚州從今穩臥書

田上真是山中萬戶侯

時越又投余  
元萬戶之印

### 河蜺湯

甲戌夏旱米價騰貴乙亥春石錢半萬正月  
十六余以輸糧到郡過項氏孝友堂裝潢匠  
程南村老友寓中款語程曰老米飯河蜺湯  
可一下箸乎余曰可因贈以詩今聞南村物  
故其家貧甚寄以米二斗并  
書此詩事以志死生之感

一飯冬春河蜺湯貧交團話項祠堂如今飽喫譚  
何易親見邨家兩頓糠

### 豹牌

威武將軍起豹房

武宗外紀忽降手敕諭吏部鎮國公朱壽宜加太師又傳旨禮

部總督軍務威武大將軍總兵官太師鎮國公朱壽令往南北直隸山東泰安州等處公幹

時覃甲盡衣黃

時諸軍悉衣黃單甲中外化之

團營鼓譟新家裏

上初好武特設東西兩官廳於禁中比之團營稱

豹房曰新宅於宣府治行在復葺豹房所儲諸珍

寶及巡遊所收婦女實其宮禁鐘深內教場

中上甚樂焉每稱曰家裏

皆以邊將得幸入行部靈輪誰白簡

後漢書張綱傳漢安元年

豹房乃立內教場

選遣八使徇行風俗餘人受命之部綱獨理其車

輪洛陽都亭曰豺狼當道安問狐狸遂奏大將軍

冀十掖庭當檻孰紅妝寶和六店君王醉

和店令內侍出所儲攤門身衣估人衣首戴瓜拉自寶和

至寶延凡六店歷與貿易持簿算喧詢不相下別

令作市正調和之擁至廊下家廊下家者中官住

永巷買酒家也等蔡琵琶嘈嘈然坐當爐婦於共

中雜出率衣縑簇而入  
護茶之頃周歷數家  
合共金魚付酒廊

### 哭妻沈

嘉善人寬夫先生外舅之幼女也名慎儀字淑卿行二乾隆丁亥十月十一日生嘉慶廿一年丙子九月十日卒年五十

眞得舅姑意卅年孝養深病猶教學字

死之前二

口猶教大貧不吝捐金

嘉慶三年戊午之冬出篋中金幣勸築縣學萬仞

官短札長安夢

辛酉壬戌余留京師聞有寒鍼午

夜心

余夜讀書率刺繡同案

白頭未相見老淚總泔泔

答廣東溫遂之汝遂

行九

綠樹鶯啼春又深海南書到故人心千竿墨戲參



三昧幾紙雲腴抵萬金繡鐵有華摹寶塔貝多無  
葉間禪林憐余同抱安仁痛讀罷高文淚不禁

明嘉靖乙巳秋大旱海鹽錢東畚太守作雪

史四卷裔孫寄視

焦枯滿眼憫山城徵典修書發內楹官閣風霜王

獨坐

謝承後漢書王闕遷冀州刺史不發私書不交豪族賓客謂之王獨坐

海邨鼓

吹東長生

晉書東晉字廣微陽平元城人太康中郡界大旱哲爲邑人請雨三日而雨注

衆爲作歌曰東先生通神明請天三日甘雨三吳  
零我黍以育我稷以生何以時之報東長生

門第聯才俊十老瀛洲重姓名餼粟幾回成往事

不堪竟讀淚縱橫

爲李金瀾遇孫題顧中村重摹朱竹垞太史

煙雨歸耕圖

先生心息漢陰機妙畫通靈竟已飛猶有虎頭老

弟子硬黃摹出舊蓑衣

顧仲清字咸三號中邨文學玘徵孫邑庠生例入國

子監爲竹垞太史入室弟子詩畫篆刻靡不精究若有讀左說莊等書又髣謝無逸蝴蝶詩五百餘

百人呼爲顧蝴蝶云見金瀾所著天香錄

亭子垞南重建時短檝秋水此題詩廿年師友今

雲散惆悵潘郎鬢已絲

丁巳九月時事

畫手前丁近擅場大徐書法亦精良

余倩梅里丁夢松重摹是

圖徐甥壽莊爲影寫各家題詠

耕漁我欲摹雙璧合向珠谿問葛

疆太史小長蘆釣魚師  
圖珠谿葛春嶼所藏

陳珠泉明府玉垣海鹽澈浦人乾隆辛卯北  
場舉人出示其父石齋進士鵝官章邨時  
所禁開鑿女郎山石刻拓本并附後令翟  
于九陽邨書院記載石齋興理書院之事  
之文之冊次日置酒邀觀楚南所得鶴壽  
異石系以二詩

爲養雲根護女郎豐碑一樹比甘棠太邨身見章  
邨宰珍重文翁舊講堂

大令風流嗣右軍南衡東岱訪奇文卽看案上元

章石猶撻湘江萬里雲

乾隆戊申延濟稱贊滿咳吳先生門下已酉  
讀書於八銘樓辛亥壬子館師於曹氏暢  
聞癸丑師故壽七十六今十月延濟詣澈  
水先生之孫肯如世堂以遺像見示感賦

一詩

匣劍囊書記舊遊海天風雨臥高樓九原隨會誰  
青眼卅載侯芭已白頭賸有高文龜短碣可堪華  
屋竟荒邱瓣香低向南豐拜老淚爭教不重流

海昌吳兔牀山人說劍圖

寶鏐延陵字未湮朱潘塾室話前緣鐵卮疑義

同析勝讀南華第卅篇

北平孫少宰所藏周劍竹  
培稼堂諸老審釋未確山

人與吳侃叔明經釋作吳季子之子逞永  
川劍實爲突過前人明經激浦鐵匠村人

### 海鹽張質夫開福國山捫碑圖

不共巖山付六丁

巖山天璽紀功碑嘉  
慶乙丑秋燬於火

獨留離墨

當云亭登登響到團團石

團團石  
團如團

神夢如今醒未

醒碑云踐昨例  
片特發神夢

岐陽焦麓愛接奇韻事流傳君繼之儉腹慙余丁

不識只捫無字一秦碑

己未之春余登岳頂量秦  
王立石知與琅邪臺刻爲

一時  
所立

宋謝文節公琴

壞黍枯桐付首陽人琴終古不曾亡聘書何用求

風漢餓鬼惟教伴國殤

公歿於憫忠寺

地下橋亭蘊片石

人間煙火斷孤航

公北行過嘉興卽不食煙火

祇應彈向青原

驛對泣南冠其斷腸

徐虹亭太史菊莊第二圖爲太史之曾孫芝

柵賦

一笑歸來鬢未蒼名場宦海任茫茫園亭賸有高

寒景滿徑黃花滿地霜

一闕新詞一餅金玉臺聲價重雞林風流未墜烏

衣巷珍重郵筒莫浪吟

朱西峻手書種樹書卷

高樓皓首對西風多少名場事事空  
分付農家書一卷閉門種菜老英雄

明嘉興巢端明先生鳴盛像

吾懷有巢氏學行抑何粹五歲賦孤兒  
依依阿母事奉教劬讀書視疾親滌廁  
祿養試春官銜恤廬墓次鮮民不如死  
沉值朝市異墓傷三十年君親幾行淚  
展也陳恂言貞孝兩私諡

有子勉與勦勤能父書讀古貌復古心  
不與世微

廷

先生二子里人相稱大和尚二和尚

子建橐尙存掌故留片牘

勳字

子建有守村詩文集

中如止園先生私謚議黃麗農壙志陳澹持行狀皆可補郡邑志乘幸有

延陵君護持等頭目

先生此像及手定集氏家譜并子建之橐俱藏於其裔女

所出之子吳杏橋茂才

邑志如再修徵文此可復勿作故紙看幽光在潛獨

長白斌笠耕觀察良貽明趙文毅兕觥銘并

翁學士詩刻拓本

蘇齋視學西江年趙公觥返曲阜顏頴陽銘旣八  
分刻學士集又復初鐫江陵奪情識原淺彈章羣  
起廷盈卷副封昨白吳中行相公愕然封乍展文



毅拜疏次日論劾楊嗣昌貽厥孫孫僅貶謫公則

杖國門昇出難馳奔陰雲蔽天走雷電肉飛命危

飢不飯朝章國紀如容申小臣受杖死亦願許時

贈觥蓋有由正氣慷慨杯勸酬胡爲詆李植藉斥

趙雲雨翻覆無幾秋銘文崢嶸倬丹麓觸邪明燭

正人目翁詩去兮觥歸來重器傳家釜五孰竭來

常熟訪舊知壽金庵品吉金奇邦遣敦泉愕距末

顏家故物成歌詩周部遺敦周距末賦皆購自曲阜顏氏物聚何常

往古說流水移雲鴻印雪何如此觥趙世珍滄桑

不共河山裂我得此拓亦一笑明珠青玉不足報

斗斛平準嘉量成爲祝官高官廊廟

賦有漢  
銅量

趙家

完璧知依然翁詩壽石九同傳三家口澤惜未見  
何時再放琴川船

感悼

桑葉初濃蠶正齊曉窗和露對前溪可憐無計留  
春住苦殺黃鸝徹夜啼

贈陳鞠隱

鞠隱名泉家駟馬橋北爲馬澹于老友弟子  
余昔過其書樓與夏守白戴松門曹種水滸  
華隱爲文酒會嗣不晤者殆將十年嘉慶庚  
辰四月余攜兒輩應童子試來郡酒瓶山麓  
陳袖詩集見示并  
贈余詩賦此以報

木身生三集  
三三  
文酒追陪馬少游十年前此記登樓巢泥零落誰  
青眼竹杖孳拖已白頭老屋古牆人結夏闌風仗  
雨麥成秋多情賸有新詩卷挑盡殘燈讀未休

盆梅感賦

九十春光一夢中三更冷雨五更風縱然留得青  
青子那認羅浮舊日容